



Anita - ikkje berre tull og fjas

Blogging er in for tida og Uskedalen har ein bloggar som har hatt ein imponerande produksjon sidan ho starta i april. Rett nok presiserar ho at bloggen stort sett inneheld tull og fjas og at ein må kjenne henne for å få noko utav han. Men uansett er Anitas boble ei frisk oppleving for den som kjenner folk og tilhøve i bygda vår. At bobla har slått an er det ikkje tvil om: Til no har 4300 vore innom! Og endeleg kjem eit kvalifisert overslag over kor mange som var på Aktivitetsdagen: Det var 26 000



Jaktliv under Nåso - berre tull og fjas

Men kven er så Anita? Ho presenterar seg sjølv som ei 41 år gamal dame som tuslar avgårde på livets landeveg i eit, til tider, ganske ujevnt tempo. Tuslinga fører henne frå Ytre Eik til Høylandsbygd der ho jobbar hos Eide. Men livbåtar tilfredsstillar ikkje hennar kreative sjel, særleg ikkje etter at sonen Stian Sebastian mista symjedagane sine på Husnes. Då fekk også

mor fleire ekstra frikveldar som ho måtte fylle med noko anna.

Og det vart altså ein blogg som er 'heilt utan mål og meining'. Men det bør leggjast til at det er ironi i det meste.

Anita Enæs har gjennom ei årrekke gjort ein innsats i lokalsamfunnet vårt som i høgste grad har vore fylt av mål og meining.

Til dømes har ho i 7 år vore heilt sentral i den imponerande jobben til Aktivitetshusets Damevenner inklusive Aktivitetsdagen, og har funne på både alvor og skjemt. Ho har bore sjørøvarstuntet til dåpen for å nemna noko. Men ho strekar under at ho er flinkare til å realisera enn til å finna på noko.

Mykje av kreativiteten og kunnskapane sine har ho nok henta frå pappa Øystein, som deltar i diverse stunts utan motforestillingar. Eit av dei er det offisielle Eikmeisterskapet i plenklyppartraktorkøyring, som er livleg skildra i bloggen. Både far og dotter er ivrige deltakarar i quiz i Uskedalen og på Husnes og trimmar altså dei små grå utan stans.

Fantasi er eit nøkkelord i dette prosjektet og hos Anita kjenner den visst ikkje grenser. I den siste reportasjen skildrar ho korleis ho no om dagen lever eit villmarksliv under Nåso der ho har maur i trusa og granbar i håret og jaktar på det meste som kjem forbi. Berre tull alt saman, men hikstande morosamt.

For Anita skriv godt, så godt at ho også burde få ein journalistisk karriere. Men det avvisar ho fordi ho ikkje er flink på smalltalk, hevdar ho.

Så inntil vidare må vi nøya oss med å slå opp i Anitas boble, som sikkert vil inspirera fleire til å blogga.

Tekst og foto: Ola Matti Mathisen



Anita's boble

Ein vakker draum...